



შპს სახელმწიფო სამშენებლო კომპანია

გათბობა, ვენტილაცია, კონდიციონერების სისტემების სამონტაჟო სამუშაოების შესყიდვა

CPV კოდი – 45331000

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონის და “ორეგულირებადი ელექტრონული ტენდერისა და ორეგულირებადი გამარტივებული ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2016 წლის 28 ივლისის №11 ბრძანების საფუძველზე.

ქ. თბილისი
2017 წელი

სატენდერო დოკუმენტაცია

1. შესყიდვის ობიექტი:

- სოფელ რუხში მშენებარე მრავალპროფილურ საუნივერსიტეტო კლინიკაში გათბობა, ვენტილაცია, კონდიციონერების სისტემების სამონტაჟო სამუშაოები (ხარჯთაღრიცხვა - დანართი №1, პროექტი - დანართი №7);
- შესყიდვის ობიექტის სავარაუდო ღირებულება - **4 786 326 ლარი დღგ-ს ჩათვლით.**

2. შესრულებულ სამუშაოზე საგარანტიო ვადა:

- 2.1 საგარანტიო პერიოდი: შენობის ექსპლუატაციაში შესვლიდან არანაკლებ 3 (სამი) წელი.
- 2.2 სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

3. წინადადების ფასი და ანგარიშსწორების პირობები:

- 3.1 სატენდერო წინადადების საერთო ფასი გამოსახული უნდა იყოს სამუშაოების შესრულებასთან დაკავშირებული საქართველოს კანონმდებლობით გათვალისწინებული ყველა გადასახადის და ხარჯის გათვალისწინებით, მათ შორის: სამუშაოებისთვის საჭირო მასალების, სამუშაოებისთვის საჭირო მასალების ტრანსპორტირების, აუცილებელი ნარჩენებისა და მასალებისგან სამშენებლო ობიექტის გათავისუფლების, ექსპერტიზისთვის აუცილებელი ხარჯის (საჭიროების შემთხვევაში), დასუფთავების, ასევე ხარჯთაღრიცხვით, საპროექტო დოკუმენტაციითა და მოქმედი კანონმდებლობით გათვალისწინებული ყველა ნებართვის ხარჯისა და ყველა სხვა ხარჯის გათვალისწინებით, რომელიც აუცილებელი იქნება სამუშაოების შესრულებისთვის. წინადადების ფასი შესყიდვების ერთიან ელექტრონულ სისტემაში (შემდგომში - სისტემა) მითითებული უნდა იქნეს დღგ-ს ჩათვლით;
- 3.2 ხარჯები, რომლებიც წინადადების ფასში არ იქნება გათვალისწინებული, არ დაექვემდებარება ანაზღაურებას;
- 3.3 გამარჯვებულ პრეტენდენტთან ხელშეკრულება გაფორმდება ეროვნულ ვალუტაში.
- 3.4 შემსყიდველი ანგარიშსწორებას განახორციელებს თვეში ერთხელ მიმწოდებლის მიერ ფაქტობრივად შესრულებული სამუშაოების ღირებულების ანგარიშ-ფაქტურის წარდგენიდან 10 საბანკო დღის განმავლობაში. მიმწოდებელი უფლებამოსილია შემსყიდველს წარუდგინოს ანგარიშ-ფაქტურა მიღება-ჩაბარების აქტის გაფორმების შემდგომ.
- 3.5 აუცილებლობის (საჭიროების) შემთხვევაში, მიმწოდებელს შეუძლია შემსყიდველს წარუდგინოს დასაბუთებული წერილობითი თხოვნა ავანსის გაცემასთან დაკავშირებით.
- 3.6 მიუხედავად შესაბამისი წერილობითი თხოვნისა, შემსყიდველი უფლებამოსილია არ დააკმაყოფილოს თხოვნა ავანსის გაცემასთან დაკავშირებით.
- 3.7 შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია წარუდგინოს შემსყიდველს გასაცემი ავანსის ოდენობის უპირობო გარანტია, მხოლოდ საქართველოს რეზიდენტი საბანკო (სადაზღვევო) დაწესებულებიდან, რომლის მოქმედების ვადა 60 დღით უნდა აღემატებოდეს ხელშეკრულებით გათვალისწინებული საქონლის მოწოდების განხორციელების საბოლოო ვადას (არარეზიდენტი პირებისათვის დასაშვებია უცხოური ბანკის მიერ გაცემული საბანკო გარანტია, რომელიც დამოწმებული უნდა იქნას საქართველოში მოქმედი საბანკო დაწესებულების მიერ) (დანართი №6-ის შესაბამისად, არსებითი პირობების დაცვით). ავანსით გათვალისწინებული თანხის გადარიცხვა იწარმოებს უნაღდო ანგარიშსწორების ფორმით, საბანკო გარანტიის წარდგენიდან 10 (ათი) სამუშაო დღის განმავლობაში.
- 3.8 მიმწოდებელზე გასაცემი საავანსო თანხა ჯამში არ უნდა აღემატებოდეს ხელშეკრულების ჯამური ღირებულების 50%-ს. აღნიშნული თანხა მიმწოდებლის მიერ გამოყენებულ უნდა იქნეს მხოლოდ ხელშეკრულებით გათვალისწინებული სამუშაოების განხორციელების მიზნით.
- 3.9 ავანსად გაცემული თანხის დაკავება განხორციელდება შესრულებული სამუშაოების ანაზღაურებისას, შესრულებული სამუშაოების პროპორციულად.
- 3.10 სამუშაოების ეტაპობრივი და საბოლოო მიღება-ჩაბარების დეტალური პირობები მოცემულია ხელშეკრულების პროექტში;

4. სამუშაოთა შესრულების ადგილი და ვადები:

- 4.1 სამუშაოების შესრულების ადგილი: ზუგდიდის რაიონი, სოფელი რუხი (შემსყიდველის სამშენებლო ობიექტი, მრავალპროფილური საუნივერსიტეტო კლინიკა);
- 4.2 სამუშაოები უნდა დაიწყოს ხელშეკრულების გაფორმებიდან არაუგვიანეს 5 (ხუთი) სამუშაო დღის განმავლობაში;

- 4.3 სამუშაოების შესრულების ვადა განისაზღვრება ხელშეკრულების გაფორმებიდან არაუმეტეს 150 (ას ორმოცდაათი) კალენდარული დღით;
- 4.4 ხელშეკრულების ვადაზე ადრე შეწყვეტის პირობები მოცემულია ხელშეკრულების პროექტში;
- 4.5 ხელშეკრულებით გათვალისწინებული ვადების დარღვევისათვის დამრღვევ მხარეს ეკისრება ხელშეკრულების პირობებით გათვალისწინებული პირგასამტეხლო.

5. მოთხოვნები პრეტენდენტის მიმართ და ერთიან ელექტრონულ სისტემაში ასატვირთი დოკუმენტაცია:

5.1 ხარჯთაღრიცხვა (დანართი №1);

5.2 ინფორმაცია პრეტენდენტის გამოცდილების შესახებ

- პრეტენდენტს 2014 წლიდან წინადადებების მიღების ვადის დასრულებამდე უნდა გააჩნდეს ანალოგიური ხასიათის, სირთულისა და შინაარსის სამუშაოების განხორციელების გამოცდილება, რაზედაც უნდა წარმოადგინოს შესაბამისი დამადასტურებელი დოკუმენტ(ებ)ი: ხელშეკრულებ(ებ)ი ან/და შეთანხმებ(ებ)ი და მათი შესრულების დამადასტურებელი დოკუმენტ(ებ)ი: მიღება-ჩაბარების აქტ(ებ)ი (ფორმა №2) ან/და დამკვეთის მიერ გაცემული შესრულებული სამუშაოების დამადასტურებელი ცნობა, რომელთა ღირებულება ჯამში უნდა შეადგენდეს არანაკლებ ~~5-000-000~~ 3 500 000 ლარს. მათ შორის არანაკლებ ~~რაა~~ ერთი პროექტი შესრულებული უნდა იყოს სუფთა ზონების მქონე სამედიცინო დაწესებულებებში (სუფთა ზონების არსებობა უნდა დასტურდებოდეს ხელშეკრულებით ან/და მიღება-ჩაბარებით, ან/და დამკვეთის წერილით).

შენიშვნა: ანალოგიური ხასიათის, სირთულისა და შინაარსის სამუშაოები გულისხმობს გათბობა, ვენტილაცია, კონდიციონერების სისტემების სამონტაჟო სამუშაოებს.

ინფორმაცია წარმოდგენილ უნდა იქნეს ქვემოთ მოყვანილი ცხრილის შესაბამისად.

ცხრილი №1

№	სამუშაოების დასახელება (თითოეული ობიექტის დასახელებით)	შემსყიდველის დასახელება	ფაქტობრივად შესრულებული სამუშაოების ღირებულება
1			
2			
და ა.შ.			

- 5.3 სამუშაოების შესრულებისთვის საჭირო ძირითადი აგრეგატების (ჩილერი, ქვაბი, კონდენციონერი, ფანკოილი) მწარმოებლის ან მისი ოფიციალური წარმომადგენლის ან დისტრიბუტორის მიერ პრეტენდენტის სახელზე გაცემული წერილი/თანხმობა იმის თაობაზე, რომ გამარჯვების შემთხვევაში უზრუნველყოფს ძირითადი აგრეგატების მიწოდებას (ინფორმაცია წარმოდგენილ უნდა იქნას დანართი №3-ის შესაბამისად);
- 5.4 ინფორმაცია სამუშაოების შესრულებისათვის საჭირო ძირითადი აგრეგატების (ჩილერი, ქვაბი, კონდენციონერი, ფანკოილი) შესახებ:
- მწარმოებელი ქვეყანა, მწარმოებელი ორგანიზაცია, მარკა, მოდელი;
 - ჩილერის, კონდენციონერის და ფანკოილის ევროვენტის (EUROVENT) სერტიფიკატი.
- 5.5 წერილი საექსპლუატაციო პირობების სწავლების შესახებ დანართი №4-ის შესაბამისად;
- 5.6 ლიცენზირებული აუდიტის მიერ გაცემული აუდიტორული დასკვნა პრეტენდენტის წლიური ბრუნვის (დღგ-ს გათვალისწინებით) შესახებ (01.01.2014-დან - 01.01.2017-მდე პერიოდისთვის), რომელშიც მითითებული უნდა იყოს წლიური ბრუნვის ოდენობა თითოეული წლისთვის ცალ-ცალკე;
- 5.7 ინფორმაცია 01.01.2014-დან - 01.01.2017-მდე პერიოდისთვის პრეტენდენტის წლიური ბრუნვის შესახებ დანართი №5-ის შესაბამისად;
- 5.8 სამუშაოების შესრულების გეგმა-გრაფიკი, რომელიც არ უნდა ეწინააღმდეგებოდეს პრეტენდენტის მიერ თვლად კრიტერიუმებში მითითებულ შესრულების ვადას.

6. შეფასების კრიტერიუმები და მათი ხვედრითი წონები:

- 6.1 პრეტენდენტის შეფასება განხორციელდება „ორეგულირებადი ელექტრონული ტენდერისა და ორეგულირებადი ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2016 წლის 28 ივლისის №11 ბრძანებით განსაზღვრული საუკეთესო სატენდერო წინადადების მქონე პრეტენდენტის გამოვლენის ფორმულის მეშვეობით შემდეგი შეფასების კრიტერიუმებისა და მათი ხვედრითი წონების შესაბამისად:

თვლადი კრიტერიუმები სადაც უპირატესობა ენიჭება დაბალ ციფრობრივ მაჩვენებელს			
	ხვედრითი წონა	მინიმალური ზღვარი	მაქსიმალური ზღვარი
სამუშაოების შესრულების ვადა (კალენდარული დღე)	0,10	100	150
სატენდერო წინადადების ფასი ლარებში	0,60		
თვლადი კრიტერიუმები სადაც უპირატესობა ენიჭება მაღალ ციფრობრივ მაჩვენებელს			
საგარანტიო პერიოდი (წელი)	0,10	3	6
2014 წლიდან წინადადებების მიღების ვადის დასრულებამდე შესრულებული ანალოგიური სამუშაოების თანხა (ლარი)	0,10	5 000 000 3 500 000	10 000 000
2014 წლიდან წინადადებების მიღების ვადის დასრულებამდე სუფთა ზონების მქონე სამედიცინო დაწესებულებებში შესრულებული ანალოგიური სამუშაოების პროექტების რაოდენობა (ცალი)	0,10	2 1	5

“ორგტაპიანი ელექტრონული ტენდერისა და ორგტაპიანი გამარტივებული ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2016 წლის 28 ივლისის №11 ბრძანების მე-4 მუხლის მე-3 პუნქტის „დ“ ქვეპუნქტის შესაბამისად, ქვემოთ განსაზღვრულია კრიტერიუმები, რომლებიც გულისხმობს გარკვეული პირობების შესრულებას. პრეტენდენტის მიერ ამ პირობ(ებ)ის შეუსრულებლობა არ იწვევს მის დისკვალიფიკაციას. თუ პრეტენდენტი ვერ აკმაყოფილებს აღნიშნულ პირობას/პირობებს, მისი სატენდერო წინადადების შეფასება დაიკლებს აღნიშნულ კრიტერიუმ(ებ)ზე მითითებული პროცენტული ოდენობის შესაბამისად.

კრიტერიუმები რომლებიც გულისხმობს სატენდერო დოკუმენტაციით დადგენილი გარკვეული პირობის/პირობების შესრულებას	
	პროცენტული ოდენობა
საქართველოს ტერიტორიაზე ავტორიზებული სერვის ცენტრის საკუთრებაში არსებობა	3%
კვარტალში ერთხელ დიაგნოსტიკის შესაძლებლობა	3%

*იმ შემთხვევაში, თუ პრეტენდენტი აკმაყოფილებს განსაზღვრულ დამატებით კრიტერიუმებს, მან აღნიშნულის შესახებ უნდა მიუთითოს ინფორმაცია დანართ №4-ში.

7. უსაფრთხოების ნორმები და სამუშაო ადგილის მომზადება:

- 7.1 შემსრულებელი პასუხისმგებელია სამუშაოებისთვის გამოყოფილი ადგილის გამოყენებაზე და სამუშაოების დასრულების შემდეგ გარემოს საჭირო და სათანადო აღდგენაზე (ასეთი საჭიროების შემთხვევაში);
- 7.2 შემსრულებელი პასუხისმგებელია შეასრულოს სამუშაოები პერსონალისთვის უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:
 - მინიმუმამდე დაიყვანოს მუშაობით გამოწვეული ხმაური, ვიბრაცია და მტვრის გავლენა.
 - სამუშაოების დასრულების შემდეგ შემსრულებელი ვალდებულია საკუთარი ძალებითა და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, ნაგვისა და სამშენებლო ნარჩენებისაგან, დროებითი ნაგებობებისაგან და ა.შ.;
 - სამუშაო ადგილის ფარგლებში უზრუნველყოს გარემოზე ეკოლოგიური ზემოქმედების მინიმუმამდე დაყვანა.

8. სხვა მოთხოვნები:

- 8.1 პრეტენდენტს უფლება აქვს წარმოადგინოს მხოლოდ ერთი წინადადება;
- 8.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა);
- 8.3 შემსყიდველ ორგანიზაციასა და პრეტენდენტს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/ შეტყობინება მიღებულად ჩაითვლება მისი სისტემაში ატვირთვის მომენტიდან.

- 8.4 **დოკუმენტაციაში, სადაც მითითებული იქნება კონკრეტული სასაქონლო ნიშანი, მოდელი, მარკა, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი,“ „ანალოგი“ ან ეკვივალენტი“**
- 8.5 ორეგულირებადი ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) **ქართულ ენაზე**. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 8.6 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წვევს სატენდერო კომისია.
- 8.7 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

9. ფასწარმოქმნის ადეკვატურობის დასაბუთება:

- 9.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული შესაბამისი დასკვნა (სხვა აკრედიტირებული პირის მიერ გაცემული დასკვნის წარმოდგენის შემთხვევაში, დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი).

შენიშვნა: - იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;
- პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

10. პრეტენდენტის საკვალიფიკაციო მონაცემების დამადასტურებელი დოკუმენტ(ებ)ი, რომლებიც წარმოდგენილ უნდა იქნეს შემსყიდველის მიერ სისტემაში ატვირთული წერილობითი მოთხოვნის შესაბამისად:

- 10.1 ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- 10.2 ცნობა თბილისის ან ქუთაისის საქალაქო სასამართლოდან, რომ პრეტენდენტის მიმართ არ მიმდინარეობს გადახდისუნარიობის საქმის წარმოება;
- 10.3 არარეზიდენტი იურიდიული პირის შემთხვევაში, პრეტენდენტმა, 10.1 და 10.2 პუნქტებით განსაზღვრულ დოკუმენტებთან ერთად დამატებით უნდა წარმოადგინოს თავისი ქვეყნის შესაბამისი უფლებამოსილი ორგანოდან გაცემული ცნობა რომ არ ხორციელდება არარეზიდენტი იურიდიული პირის რეორგანიზაცია ან ლიკვიდაცია.
- 10.4 იმ შემთხვევაში, თუ პრეტენდენტი არის უცხოური საწარმოს წარმომადგენელი ან/და ფილიალი საქართველოში, რომელიც იყენებს საზღვარგარეთ რეგისტრირებული სათავო კომპანიის სამუშაო გამოცდილებას, ვალდებულია ერთობლივად წარმოადგინოს, როგორც თავისი, ასევე სათავო კომპანიის 10.1 და 10.2 პუნქტებით განსაზღვრული დოკუმენტები. ასევე, დამატებით უნდა წარმოადგინოს სათავო კომპანიის ქვეყნის შესაბამისი უფლებამოსილი ორგანოდან გაცემული ცნობა რომ არ ხორციელდება სათავო კომპანიის რეორგანიზაცია ან ლიკვიდაცია.
- აღნიშნული დოკუმენტები გაცემული უნდა იყოს წინამდებარე შესყიდვის ორეგულირებადი ელექტრონული ტენდერის წინადადების მიღების დაწყების თარიღის შემდეგ; არარეზიდენტმა პრეტენდენტ(ებ)მა ზემოაღნიშნული დოკუმენტაცია უნდა წარმოადგინონ თავიანთი ქვეყნის შესაბამისი სამსახურებიდან, დამოწმებული კანონმდებლობით დადგენილი წესით (ლეგალიზებული ან აპოსტილით დამოწმებული) ამავედროულად, დოკუმენტებს თან უნდა ახლდეს ნოტარიულად დამოწმებული ქართული თარგმან(ებ)ი და გაცემული უნდა იყოს წინადადების მიღების დაწყების თარიღამდე არაუგვიანეს 30 დღის ვადაში.

შენიშვნა: პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენილობის ან/და ხარვეზის მქონე მონაცემების წარმოდგენის ან/და გადახდისუნარიობის საქმის წარმოების ან/და არარეზიდენტი იურიდიული პირის შემთხვევაში რეორგანიზაცია/ლიკვიდაციის შემთხვევაში კომისია მოახდენს პრეტენდენტის დისკვალიფიკაციას.

11. ხელშეკრულების უზრუნველყოფის გარანტია:

- 11.1 გამარჯვებულად გამოვლენის შემთხვევაში, პრეტენდენტმა ხელშეკრულების გაფორმებამდე უნდა წარმოადგინოს ხელშეკრულების უზრუნველყოფის გარანტია (საქართველოს რეზიდენტი საბანკო ან სადაზღვევო დაწესებულებიდან, არარეზიდენტი პირების მიერ დასაშვებია უცხოური ბანკის მიერ გაცემული გარანტია, რომელიც დამოწმებული უნდა იქნას საქართველოში მოქმედი საბანკო

დაწესებულების მიერ) ხელშეკრულების ღირებულების 5%-ის ოდენობით, (იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, მიმწოდებელი ვალდებულია წარმოადგინოს ხელშეკრულების შესრულების გარანტია ხელშეკრულების ღირებულების 10%-ის ოდენობით), რომლის მოქმედების ვადა 60 კალენდარული დღით უნდა აღემატებოდეს სამუშაოების შესრულების საბოლოო ვადას. (დანართი №2).

12. დამატებითი ინფორმაცია:

- 12.1 სატენდერო დოკუმენტაციასთან დაკავშირებული განმარტებების მიღება შეუძლია ნებისმიერ დაინტერესებულ პირს სახელმწიფო შესყიდვების ერთიანი ელექტრონული სისტემის „კითხვა/პასუხის“ მოდულის მეშვეობით.
- 12.2 სატენდერო დოკუმენტაციასთან დაკავშირებული განმარტებების მიღება შეუძლია ნებისმიერ დაინტერესებულ პირს სატენდერო კომისიის აპარატში. საკონტაქტო პირი: ქეთევან საბაშვილი, ტელ: 593 35 39 37, e-mail: k.sabashvili@scc.ge

13. ხელშეკრულება:

სახელმწიფო შესყიდვის შესახებ ხელშეკრულება (პროექტი) № ----
(ორეტაპიანი ელექტრონული ტენდერი **MEP-----**)

თბილისი

----- 2017 წელი

შენიშვნა: წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ორეტაპიანი ელექტრონული ტენდერის ჩატარების შედეგად. ხელშეკრულების პირობების დაზუსტება მოხდება გამარჯვებული პრეტენდენტის სატენდერო წინადადების შესაბამისად.

ერთი მხრივ, შპს „სახელმწიფო სამშენებლო კომპანია“ წარმოდგენილი მისი დირექტორის გიორგი შენგელიას სახით (შემდგომში - შემსყიდველი) და მეორე მხრივ, -----, წარმოდგენილი მისი დირექტორის ----- სახით (შემდგომში - მიმწოდებელი) „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტისა და შესყიდვების ერთიანი ელექტრონული სისტემით გამოცხადებული ორეტაპიანი ელექტრონული ტენდერის (MEP-----) საფუძველზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. ხელშეკრულების საგანს წარმოადგენს მიმწოდებლის მიერ სოფელ რუხში, მშენებარე მრავალპროფილური საუნივერსიტეტო კლინიკაში გათბობა, ვენტილაცია, კონდიციონერების სისტემების სამონტაჟო სამუშაოების შესყიდვა (შემდგომში - სამუშაოები) CPV45331000.
- 1.2. კონკრეტულად ხელშეკრულებით გათვალისწინებული სამუშაოების დასახელება, მოცულობა, ერთეულის ფასი და საერთო ფასი მოცემულია დანართში №1 (ხარჯთაღრიცხვა), რომელიც თან ახლავს ხელშეკრულებას და წარმოადგენს მის განუყოფელ ნაწილს.

მუხლი 2. სამუშაოების შესრულების პირობები

- 2.1. სამუშაოების დაწყების ვადა განისაზღვრება ხელშეკრულების გაფორმებიდან არაუგვიანეს 5 (ხუთი) სამუშაო დღის განმავლობაში.
- 2.2. სამუშაოების შესრულება განხორციელდება საპროექტო დოკუმენტაციის მოთხოვნათა შესაბამისად და სრული დაცვით.
- 2.3. წინამდებარე ხელშეკრულებით გათვალისწინებული სამუშაოების შესრულების ვადა განისაზღვრება ხელშეკრულების გაფორმებიდან არაუგვიანეს 150 (ასორმოდდათი) კალენდარული დღით.
- 2.4. სამუშაოების შესრულების გეგმა-გრაფიკი მოცემულია დანართში №2, რომელიც თან ახლავს ხელშეკრულებას და წარმოადგენს მის განუყოფელ ნაწილს.

მუხლი 3. ღირებულება, ანგარიშსწორების წესი და საგარანტიო ვადა

- 3.1. ხელშეკრულების ჯამური ღირებულება საქართველოს კანონმდებლობით გათვალისწინებული დამატებული ღირებულების გადასახადის გათვალისწინებით შეადგენს ----- (-) ლარს.
- 3.2. ხელშეკრულების ჯამური ღირებულება მოიცავს საქართველოს კანონმდებლობით გათვალისწინებული ყველა გადასახადს და სამუშაოების შესრულებასთან დაკავშირებულ ყველა ხარჯს, მათ შორის: სამუშაოებისთვის საჭირო მასალებს, მასალების ტრანსპორტირებას, აუცილებელი ნარჩენებისა და მასალებისგან სამშენებლო ობიექტის გათავისუფლებას, ექსპერტიზისთვის აუცილებელი ხარჯს (საჭიროების შემთხვევაში), დასუფთავების, ასევე ხარჯთაღრიცხვით, საპროექტო დოკუმენტაციითა და მოქმედი კანონმდებლობით გათვალისწინებული ყველა ნებართვის ხარჯს და ყველა სხვა ხარჯს, რომელიც აუცილებელი იქნება სამუშაოების შესრულებისთვის.
- 3.3. მხარეები ანგარიშსწორებას ახორციელებენ ამ ხელშეკრულებით გათვალისწინებულ საბანკო რეკვიზიტებზე, უნაღდო ანგარიშსწორების ფორმით.
- 3.4. შემსყიდველი ანგარიშსწორებას ახორციელებს თვეში ერთხელ მიმწოდებლის მიერ ფაქტობრივად შესრულებული სამუშაოების ღირებულების ანგარიშ-ფაქტურის წარდგენიდან 10 საბანკო დღის განმავლობაში. მიმწოდებელი უფლებამოსილია შემსყიდველს წარუდგინოს ანგარიშ-ფაქტურა მხოლოდ ამ ხელშეკრულების 5.3. მუხლში აღნიშნული მიღება-ჩაბარების აქტის გაფორმების შემდგომ.
- 3.5. აუცილებლობის (საჭიროების) შემთხვევაში, მიმწოდებელს შეუძლია შემსყიდველს წარუდგინოს დასაბუთებული წერილობითი თხოვნა ავანსის გაცემასთან დაკავშირებით.
- 3.6. მიუხედავად შესაბამისი წერილობითი თხოვნისა, შემსყიდველი უფლებამოსილია არ დააკმაყოფილოს თხოვნა ავანსის გაცემასთან დაკავშირებით.
- 3.7. შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია წარუდგინოს შემსყიდველს ბანკის ან ლიცენზირებული სადაზღვევო კომპანიის მიერ გაცემული გასაცემი ავანსის ოდენობის უპირობო საბანკო გარანტია, რომლის მოქმედების ვადა 60 (სამოცი) დღით უნდა აღემატებოდეს ხელშეკრულებით გათვალისწინებული სამუშაოების შესრულების საბოლოო ვადას. ავანსით გათვალისწინებული თანხის გადარიცხვა იწარმოებს უნაღდო ანგარიშსწორების ფორმით, საბანკო გარანტიის წარდგენიდან 10 (ათი) სამუშაო დღის განმავლობაში.
- 3.8. მიმწოდებელზე გასაცემი საავანსო თანხა ჯამში არ უნდა აღემატებოდეს ხელშეკრულების ჯამური ღირებულების 50%-ს. აღნიშნული თანხა მიმწოდებლის მიერ გამოყენებულ უნდა იქნეს მხოლოდ ამ ხელშეკრულებით გათვალისწინებული სამუშაოების განხორციელების მიზნით.
- 3.9. ავანსად გაცემული თანხის დაკავება განხორციელდება შესრულებული სამუშაოების ანაზღაურებისას, შესრულებული სამუშაოების პროპორციულად.
- 3.10. იმ შემთხვევაში თუ ავანსის სრულად დაქვითვა ვერ განხორციელდება ხელშეკრულების 3.9. პუნქტით გათვალისწინებული წესით, ავანსის თანხის დარჩენილი ნაწილის სრულად დაქვითვა განხორციელდება საბოლოო ანგარიშსწორებისას.
- 3.11. იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა 3.1. პუნქტით გათვალისწინებული ხელშეკრულების ჯამური ღირებულება, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით განსაზღვრული პირობების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.
- 3.12. მიმწოდებლის მიერ შესრულებული სამუშაოების საგარანტიო ვადა შეადგენს 3 (სამი) წელს, რომელიც აითვლება 1.1. პუნქტით გათვალისწინებული შენობის ექსპლუატაციაში შესვლიდან.
- 3.13. საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია საკუთარი ხარჯებით უზრუნველყოს ხარვეზების აღმოფხვრა გონივრულ ვადაში.
- 3.14. სამუშაოების ხარისხის დაცვის მიზნით, შემსყიდველის მიერ 3.4. პუნქტით გათვალისწინებული ანგარიშსწორებისას დაკავებული იქნება შესრულებული სამუშაოების ღირებულების 2,5%, რომლის გადახდაც განხორციელდება საგარანტიო ვადის (სამი წელი) გასვლის შემდეგ.
- 3.15. იმ შემთხვევაში, თუ სხვადასხვა მიზეზის გამო მიმწოდებელი ვერ უზრუნველყოფს ან უარს განაცხადებს დეფექტების აღმოფხვრასთან დაკავშირებით, შემსყიდველი შეაფასებს დეფექტების აღმოფხვრის ხარჯს და მიმწოდებელს არ აუნაზღაურებს შესრულებული სამუშაოების ხარისხის დაცვის მიზნით დაკავებულ თანხას. თუ დეფექტების აღმოფხვრის ხარჯისათვის საჭირო თანხა აღემატება სამუშაოების ხარისხის დაცვის მიზნით დაკავებულ თანხას, შემსყიდველი დამატებით დააკისრებს მიმწოდებელს ზემოაღნიშნული განსხვავების გადახდას, ხოლო მიმწოდებელი ვალდებულია გადაიხადოს იგი მოთხოვნიდან 10 (ათი) კალენდარული დღის განმავლობაში.

მუხლი 4. სამუშაოს შესაბამისობა

4.1. ხელშეკრულებით გათვალისწინებული სამუშაოები უნდა შეესაბამებოდეს მსგავსი სამუშაოებისათვის არსებულ სტანდარტებს და ნორმებს, ასევე სატენდერო დოკუმენტაციით გათვალისწინებულ მოთხოვნებს, წინააღმდეგ შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 5. სამუშაოს მიღება-ჩაბარების წესი

- 5.1. სამუშაოს მიღება ხორციელდება ამ ხელშეკრულების პირველ მუხლში აღნიშნულ ადგილზე.
- 5.2. ყოველთვიურად შესრულებული სამუშაოების მიღება-ჩაბარება განხორციელდება ყოველი საანგარიშო თვის ბოლოს.
- 5.3. მიმწოდებლის მიერ შესრულებული სამუშაოები მიღებულად ჩაითვლება მხოლოდ მიღება-ჩაბარების აქტის (ფაქტობრივად შესრულებული სამუშაოების აქტი - ფორმა №2) და დამატებული ღირებულების გადასახადის ანგარიშ-ფაქტურის გაფორმების შემდეგ.
- 5.4. ამ ხელშეკრულების ძალით შესრულებული სამუშაოების შემოწმებასა და მიღება-ჩაბარებას ახორციელებს შემსყიდველის მიერ შერჩეული პირი, რომელიც ადგილზე ამოწმებს ხელშეკრულებით განსაზღვრულ ობიექტზე ყოველ თვეს შესრულებულ სამუშაოთა მოცულობას.
- 5.5. სამუშაოების სრულად დასრულების შემდგომ მხარეები გააფორმებენ სამუშაოების საბოლოო მიღება-ჩაბარების აქტს.

მუხლი 6. მხარეთა უფლება-მოვალეობანი

- 6.1. მიმწოდებლის უფლება-მოვალეობანი:
 - ა) მიმწოდებელი ვალდებულია სამუშაოს შესრულების პროცესში იხელმძღვანელოს ამ ხელშეკრულების 4.1. პუნქტში გათვალისწინებული წესებითა და პირობებით;
 - ბ) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;
 - გ) სამუშაოების განახორციელება დაიწყოს ხელშეკრულების გაფორმებიდან არაუგვიანეს 5 (ხუთი) სამუშაო დღის განმავლობაში;
 - დ) სამუშაოები დაასრულოს ხელშეკრულების გაფორმებიდან არაუგვიანეს 150 (ასორმოდათი) კალენდარული დღის განმავლობაში;
 - ე) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ;
 - ვ) მინიმუმამდე დაიყვანოს მუშაობით გამოწვეული ხმაური, ვიბრაცია და მტვრის გავლენა.
 - ზ) სამუშაოების დასრულების შემდეგ თავისი ძალებითა და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, ნაგვისა და სამშენებლო ნარჩენებისგან, დროებითი ნაგებობებისაგან და ა.შ.;
 - თ) სამუშაო ადგილის ფარგლებში უზრუნველყოს გარემოზე ეკოლოგიური ზემოქმედების მინიმუმამდე დაყვანა;
 - ი) მიმწოდებელი პასუხისმგებელია შეასრულოს სამუშაოები პერსონალისთვის უსაფრთხო და ეკოლოგიურად მისაღები გზით;
 - კ) მიმწოდებელი პასუხისმგებელია სამუშაოებისათვის გამოყოფილი ადგილის გამოყენებაზე და სამუშაოების დასრულების შემდეგ გარემოს საჭირო და სათანადო აღდგენაზე (ასეთი საჭიროების შემთხვევაში);
 - ლ) მიმწოდებელი პასუხისმგებელია შეასრულოს სამუშაოები პერსონალისათვის უსაფრთხო და ეკოლოგიურად მისაღები გზით;
- 6.2. შემსყიდველი ვალდებულია:
 - ა) აწარმოოს ინსპექტირება საამისოდ შერჩეულ პირებთან ერთად სამუშაოს მიმდინარეობაზე, თანახმად მოქმედი სამშენებლო ნორმების დაწესებისა, რომელთა დარღვევის შემთხვევაში იგი უფლებამოსილია შეაჩეროს სამუშაოები;
 - ბ) შეუფერხებლად აუნაზღაუროს მიმწოდებელს შესრულებული სამუშაოს ღირებულება ამ ხელშეკრულებით გათვალისწინებული პირობებისა და ვადების შესაბამისად.

მუხლი 7. ფორს-მაჟორი

7.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი

არეულობა და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენად ჩაითვლება მოვლენა, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

7.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 8. პასუხისმგებლობა და შედეგები

- 8.1. სამუშაოების შესრულების საერთო ვადის და/ან ხელშეკრულების დანართი №2-ით გათვალისწინებული სამუშაოების შესრულების გეგმა-გრაფიკის დარღვევის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ჯამური ღირებულების 0,02%-ის ოდენობით ყოველ ვადაგადაცილებულ დღეზე. ვადაგადაცილება 10 დღეზე მეტი ვადით ჩაითვლება ხელშეკრულების არსებით დარღვევად და შემსყიდველს უფლება ექნება ცალმხრივად შეწყვიტოს ხელშეკრულება.
- 8.2. ანგარიშსწორების დადგენილი ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლოს სახით გადასახდელი თანხის 0,02% ყოველ ვადაგადაცილებულ დღეზე. მაქსიმალური საჯარიმო თანხა ანგარიშსწორების დადგენილი ვადის გადაცილებისათვის არ უნდა აღემატებოდეს ხელშეკრულების ჯამური ღირებულების 2%-ს.
- 8.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 8.4. თითოეული მხარე ვალდებულია დარიცხული პირგასამტეხლო გადაიხადოს მოთხოვნიდან 10 (ათი) კალენდარული დღის განმავლობაში.
- 8.5. ხელშეკრულების შესრულების უზრუნველყოფის მიზნით, მიმწოდებელმა შემსყიდველს წარუდგინა საბანკო გარანტია, რომელიც წარმოდგენილია ლარში. საგარანტიო თანხის ოდენობა განისაზღვრება ხელშეკრულების ჯამური ღირებულების ---%-ის ოდენობით, რომლის მოქმედების ვადაც 60 (სამოცი) დღით აღემატება ხელშეკრულებით გათვალისწინებული სამუშაოების შესრულების ვადას.
- 8.6. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში, ასევე ნებისმიერი ზიანის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

მუხლი 9. ინსპექტირება

- 9.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს ინსპექტირება მიმწოდებლის მიერ ნაკისრი ვალდებულებების შესრულების მიმდინარეობაზე, მათ შორის სამუშაოს ხარისხის პერიოდულ ინსპექტირებაზე.
- 9.2. მიმწოდებელი ვალდებულია საკუთარი ხარჯებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 9.3. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

მუხლი 10. სხვა პირობები

- 10.1. ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2017 წლის ----- ჩათვლით;
- 10.2. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
 - ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
 - ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);
 - გ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
 - დ) მიმწოდებლის ქონებას დაედო ყადაღა.

10.3. ნებისმიერი ცვლილება და დამატება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.4. იმ შემთხვევაში, თუ სამუშაოს შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გათვალისწინებული მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

10.5. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.6. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10.7. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.8. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული დავა გადაწყდება სასამართლოს მეშვეობით საქართველოს კანონმდებლობის შესაბამისად. ხელშეკრულება

ხელშეკრულების შესრულების საგარანტიო უზრუნველყოფა
(გარანტია)

ვის: _____

(შემსყიდველის დასახელება)

შემდგომში “მიმწოდებელმა” _____ ორეგულირებადი ელექტრონულ ტენდერში წარდგენილი
(დასახელება)

თავისი წინადადების შესაბამისად იკისრა ვალდებულება წარმოადგინოს გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის (მიმწოდებლის) სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს

(თანხა ციფრებით) (თანხა სიტყვებით)

წინაშე პრინციპალის (მიმწოდებლის) სახელით საერთო თანხაზე _____
ლარი და ვკისრულობთ ზემოაღნიშნული თანხის გადახდას პრინციპალის (მიმწოდებლის) მიერ ხელშეკრულების პირობების დარღვევის საფუძველზე თქვენი პირველივე წერილობითი მოთხოვნისთანავე.

მოთხოვნა საგარანტიო თანხის ანაზღაურებაზე ბენეფიციარის მიერ წარმოდგენილ უნდა იქნეს ხელმოწერილი და ბეჭდით დადასტურებული წერილობითი ფორმით, სადაც მითითებული იქნება მოთხოვნილი თანხა და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან.

აღნიშნულიდან გამომდინარე ნებისმიერი თხოვნა ან პრეტენზია, წარმოდგენილ უნდა იქნეს საბანკო გარანტიის ვადის გასვლამდე _____
(ბანკის დასახელება/ფილიალი, მისამართი).

საბანკო გარანტია ავტომატურად უქმდება

- საბანკო გარანტიის ვადის გასვლით.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და საბანკო გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

წინამდებარე გარანტიის მოქმედების ვადა 60 დღით უნდა აღემატებოდეს ხელშეკრულებით გათვალისწინებული სამუშაოების შესრულების საბოლოო ვადას.

დანართი №3

წერილი ძირითადი აგრეგატების მიწოდების უზრუნველყოფის შესახებ

_____ იღებს ვალდებულებას, შპს „სახელმწიფო სამშენებლო კომპანიის“ მიერ
(მწარმოებელი ორგანიზაცია)

გამოცხადებულ „გათბობა, ვენტილაცია, კონდიციონირების სისტემების სამონტაჟო სამუშაოების შესყიდვის
ორეგულირებადი ელექტრონულ ტენდერში (№MEP-----) _____ გამარჯვების შემთხვევაში
(პრეტენდენტი)

უზრუნველყოს სატენდერო დოკუმენტაციით განსაზღვრული ძირითადი აგრეგატების (ჩილერი, ქვაბი,
კონდენციონერი, ფანკოილი) საჭირო რაოდენობის მიწოდება.

_____ (უფლებამოსილი პირის ხელმოწერა)

(ბ.ა)

დანართი №4

წერილი საექსპლუატაციო პირობების სწავლების შესახებ

ჩვენ, _____ ვიღებთ ვალდებულებას, გამარჯვების შემთხვევაში უზრუნველყოთ
(პრეტენდენტი)

ტექნიკური ჯგუფისთვის სისტემის საექსპლუატაციო პირობების სწავლება.

_____ (უფლებამოსილი პირის ხელმოწერა)

(ბ.ა)

**იმ შემთხვევაში, თუ პრეტენდენტი დამატებით აკმაყოფილებს სატენდერო დოკუმენტაციის 6.1 პუნქტით
განსაზღვრულ კრიტერიუმებს, რომლებიც გულისხმობს სატენდერო დოკუმენტაციით დადგენილი გარკვეული
პირობების/პირობების შესრულებას, მან ასევე უნდა მიუთითოს ინფორმაცია აღნიშნულის შესახებ (სერვის
ცენტრ(ებ)ის არსებობის შემთხვევაში, ასევე მითითებულ უნდა იქნეს მისამართ(ებ)ი).*

ინფორმაცია შესყიდვაში მონაწილეობის მსურველი პირის 01.01.2014-დან 01.01.2017-მდე
პერიოდში წლიური ბრუნვის შესახებ

№	პერიოდი	წლიური ბრუნვა (დღგ-ს გათვალისწინებით) (ლარი)
1	01.01.2014-დან 01.01.2015-მდე	
2	01.01.2015-დან 01.01.2016-მდე	
3	01.01.2016-დან 01.01.2017-მდე	

(უფლებამოსილი პირის ხელმოწერა)

(ბ.ა)

საავანსო გადახდის საგარანტიო უზრუნველყოფა

(ნიმუში)

ჩვენთვის ცნობილი გახდა, რომ პრინციპალსა და ბენეფიციარს შორის გაფორმდა ხელშეკრულების ნიმუში
და თარიღი ხელშეკრულება (შემდგომში "ხელშეკრულება"), რომლის თანახმადაც პრინციპალმა უნდა
განახორციელოს შესყიდვის ობიექტის დასახელება მიწოდება/შესრულება. ზემოხსენებული ხელშეკრულების
პირობებით გათვალისწინებულია წინასწარი ანგარიშსწორება ხელშეკრულების მთლიანი ღირებულების
_____ % ოდენობით, იმ შემთხვევაში, თუ პრინციპალი წარუდგენს ბენეფიციარს გარანტიას მოთხოვნილი
ავანსის თანხაზე ანუ (თანხა ციფრობრივად და სიტყვიერად) ლარზე.

ყოველივე ზემოაღნიშნულის გათვალისწინებით გაცნობებთ, რომ იმ შემთხვევაში, თუ
პრინციპალი ვერ შეასრულებს ხელშეკრულების პირობების თანახმად ნაკისრ ვალდებულებებს, გარანტი
კისრულობს გამოუთხოვად ვალდებულებას ბენეფიციარის პირველივე წერილობითი მოთხოვნისთანავე
აუნაზღაუროს მას ნებისმიერი თანხა ან თანხები, მაგრამ არაუმეტეს (თანხა ციფრობრივად და
სიტყვიერად) ლარის ოდენობით. სიტყვიერად)

*გარანტიის მოქმედების ვადა არის: (კონკრეტული თარიღი) 2017 წელი, შესაბამისად წინამდებარე გარანტია
მოქმედებს აღნიშნული თარიღის ჩათვლით. აღნიშნულიდან გამომდინარე ნებისმიერი თხოვნა ან
პრეტენზია, გარანტის მიერ მიღებულ უნდა იყოს გარანტიის ვადის გასვლამდე შემდეგ მისამართზე:
(ბანკის დასახელება/ფილიალი, მისამართი)

მოთხოვნა ანაზღაურებაზე ბენეფიციარის მიერ წარმოდგენილ უნდა იქნეს ხელმოწერილი და
ბეჭდით დადასტურებული წერილობითი ფორმით, სადაც მითითებული იქნება მოთხოვნილი თანხა,
ციფრობრივად და სიტყვიერად და ის გარემოება, რომლის გამოც ხდება მოთხოვნის წარმოდგენა.

გარანტია ავტომატურად უქმდება

- გარანტიის ვადის გასვლით
- ბენეფიციარის მიერ გარანტიიდან გამომდინარე თავის უფლებებზე წერილობით უარის
თქმისა და საბანკო გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

*წინამდებარე გარანტიის მოქმედების ვადა 60 დღით უნდა აღემატებოდეს ხელშეკრულებით
გათვალისწინებული სამუშაოების შესრულების საბოლოო ვადას.